

庚辰穀雨前一日以爲

靜丞仁兄大人四旬誕辰誌慶

陳寶鋌

弟關維恭拜贈

孟昭崑

經事百

家籬鈔

經史百家雜鈔卷四目錄

詞賦之屬上編二

揚雄羽獵賦

長楊賦

甘泉賦

河東賦

反離騷

解嘲

解難

班固兩都賦

共壹百壹拾陸本

幽通賦

答賓戲

張衡兩京賦

思立賦

王粲登樓賦

劉伶酒德頌

經史百家雜鈔卷四目錄

經史百家雜鈔卷四

湘鄉曾國藩纂

合肥李鴻章校槧

詞賦之屬上編二

揚雄羽獵賦

並序

孝成帝時羽獵雄從以爲昔在二帝三王宮館臺榭沼池苑囿林麓藪澤財足以奉郊廟御賓客充庖廚而已不奪百姓膏腴穀土桑柘之地女有餘布男有餘粟國家殷富上下交足故甘露零其庭醴泉流其唐鳳皇巢其樹黃龍游其沼麒麟臻其囿神爵棲其林昔者禹任益虞而上下和草木茂成湯好田而天下用足文王囿百里民以爲尙小齊宣王囿四

十里民以爲大裕民之與奪民也武帝廣開上林東南至宜春鼎湖御宿昆吾旁南山西至長楊五柞北繞黃山濱渭而東周表數百里穿昆明池象滇河營建章鳳闕神明馭娑漸臺泰液象海水周流方丈瀛洲蓬萊游觀侈靡窮妙極麗雖頗割其三垂以贍齊民然至羽獵甲車戎馬器械儲峙禁禦所營尙泰奢麗誇詡非堯舜成湯文王三驅之意也又恐後世復修前好不折中以泉臺故聊因校獵賦以風之其辭曰或稱羲農豈或帝王之彌文哉論者云否各以竝時而得宜奚必同條而共貫則秦山之封焉得七十而有二儀是以創業垂統者俱不見其爽遐邇五三孰知其是非遂作頌曰麗哉神聖

處於玄宮。富既與地乎。訾貴正與天乎。比崇齊桓。曾不足使
扶轂楚莊。未足以爲驂。乘狹三王之阨僻。嶠高舉而大興。歷五
帝之寥廓。涉三皇之登閣。建道德以爲師。友仁義以爲朋。以上
帝於是玄冬季月。天地隆烈。萬物權輿於內。徂落於外。帝將惟
田于靈之囿。開北垠。受不周之制。以奉終始。顓頊玄冥之統。迺
詔虞人典澤。東延昆鄰。西馳閭闔。儲積共恃。戍卒夾道。斬叢棘。
夷野草。禦白汧渭。經營豐鎬。章皇周流。出入日月。天與地沓。爾
迺虎路三嶮。以爲司馬圍。經百里而爲殿門。外則正南極海。邪
界虞淵。鴻濛沆茫。揭以崇山。營合圍會。然後先置乎白楊之南。
昆明靈沼之東。賁育之倫。蒙盾負羽。杖鎡邪而羅者。以萬計。其

餘荷垂天之罍。張竟埜之罌。靡日月之朱竿。曳彗星之飛旗。青
雲爲紛虹蜺。爲縵屬之乎崑崙之虛渙。若天星之羅浩如濤水。
之波淫淫。與與前後。要遮欂櫨。爲闔明月。爲候熒惑。司命天弧。
發射鮮扁。陸離駢衍。似路徽車。輕武鴻絳。捷獵殷殷。軫軫被陵。
緣坂窮巘。極遠者相與列乎高原之上。羽騎營營。眈分殊事。繽

紛往來。輻輳不絕。若光若滅者。布乎青林之下。

以上獵場之廣儀衛之盛於

是天子乃以陽晁始出乎玄宮。撞鴻鐘。建九旒。六白虎載靈輿。
蚩尤竝轂。蒙公先驅。立厯天之旂。曳捎星之旃。霹靂烈缺。吐火
施鞭。萃從沈溶。淋離廓落。戲八鎮而開關。飛廉雲師。吸鼻瀟率。
鱗羅布列。攢以龍翰。啾啾蹒蹒。入西園。切神光。望平樂。徑竹林。

蹂蕙圃踐蘭唐

以上天子親至獵所

舉烽烈火轡者施技方馳千駟狡騎

萬帥虓虎之陳從橫膠輶焱拉雷厲驥駢駘磔洶洶旭旭天動

地吸羨漫半散蕭條數千里外若夫壯士忼慨殊鄉別趣東西

南北騁耆奔欲地蒼猊跋犀犛蹶浮麋斲巨狴搏玄猿騰空虛

距連卷踔天矯娛澗閒莫莫紛紛山谷爲之風焱林叢爲之生

塵

以上正賦田獵

及至獲夷之徒蹶松柏掌茨藜獵蒙龍麟輕飛屨般

首帶修蛇鉤赤豹揜象犀跬巒阮超唐陂車騎雲會登降閭闔

秦華爲旒熊耳爲綴木仆山還漫若天外儲與乎大浦聊浪乎

宇內於是天清日晏逢蒙列眚羿氏控弦皇車幽輶光純天地

望舒彌轡翼乎徐至於上蘭移圍徙陣浸淫斃部曲隊堅重各

按行伍壁壘天旋神扶電擊逢之則碎近之則破鳥不及飛獸
不得過軍驚師駭刮野掃地及至罕車飛揚武騎聿皇蹈飛豹
霜鳴陽追天寶出一方應駢聲擊流光野盡山窮囊括其雌雄
沉沉溶溶遙噓乎絃中三軍茫然窮尤闕與亶觀乎剽禽之繼
踰犀兕之抵觸熊羆之拏攫虎豹之凌遽徒角搶題注賊竦讐
怖魂亡魄失觸輻關脰妄發期中進退履獲創淫輪夷邱累陵
聚以上獲禽之多於是禽殫中衰相與集於靖冥之館以臨珍池灌以
岐梁溢以江河東瞰目盡西暢無崖隋珠和氏焯爍其陂玉石
簪釜眩耀青瑩漢女水潛怪物暗冥不可殫形驚孔雀翡翠
垂榮王睢關關鴻雁嚶嚶羣娛乎其中噍噍昆鳴鳬鷺振鷺上

下砰礚聲若雷霆乃使文身之技水格鱗蟲凌堅冰犯嚴淵探
巖排碕薄索蛟螭蹈獷獬據鼃鼉扶靈蟻入洞穴出蒼梧乘巨
鱗騎京魚浮彭蠡目有虞方椎夜光之流離剖明月之珠胎鞭
洛水之宓妃餉屈原與彭胥以上水嬉於茲乎鴻生鉅儒俄軒冕雜
衣裳修唐典匡雅頌揖讓於前昭光震耀蠻貊如神仁聲惠於
北狄武誼動於南鄰是以旃裘之王胡貉之長移珍來享抗手
稱臣前入圍口後陳廬山羣公常伯楊朱墨翟之徒喟然竝稱
曰崇哉乎德雖有唐虞大夏成周之隆何以侈茲夫古之覲東
嶽禪梁基舍此世也其誰與哉上猶謙讓而未俞也方將上獵
三靈之流下決醴泉之滋發黃龍之穴窺鳳皇之巢臨麒麟之

園幸神雀之林。奢雲夢。侈孟諸。非章華。是靈臺。罕徂離宮。而輟
觀游。土事不飾。木功不彫。丞民乎農桑。勸之以弗怠。儕男女。使
莫違。恐貧窮者。不徧被洋溢之饒。開禁苑。散公儲。創道德之囿。
弘仁惠之虞。馳弋乎神明之囿。覽觀乎羣臣之有亡。放雉兔。收
罝罟。麋鹿芻蕘。與百姓共之。蓋所以臻茲也。於是醕洪鬯之德。
豐茂世之規。加勞三皇。勗勤五帝。不亦至乎。乃祇莊雍穆之徒。
立君臣之節。崇賢聖之業。未遑苑囿之麗。游獵之靡也。因回軫
還衡。背阿房。反未央。以上諷諫反
之於道德

揚雄長楊賦

并序

明年上將大誇胡人以多禽獸。秋命右扶風發民入南山西

自褒斜東至弘農南。毆漢中。張羅網罟。罟捕熊羆。豪豬虎豹。玃獾狐兔麋鹿。載以檻車。輸長楊射熊館。以網爲周。陸縱禽獸其中。令胡人手搏之。自取其獲。上親臨觀焉。是時農民不得收斂。雄從至射熊館。還上長楊賦。聊因筆墨之成文章。故藉翰林以爲主人。子墨爲客卿。以諷其辭曰。

子墨客卿問於翰林主人曰。蓋聞聖主之養民也。仁霑而恩洽。動不爲身。今年獵長楊。先命右扶風。左太華。而右褒斜。殳截薛而爲弋紆南山。以爲罟羅。千乘於林莽。列萬騎於山隅。帥軍蹕。陸錫戎獲。胡搃熊羆。拖豪豬。木擁槍纍。以爲儲胥。此天下之窮覽極觀也。雖然。亦頗擾于農人。三旬有餘。其厯至矣。而功不圖。

恐不識者外之則以爲娛樂之游內之則不以爲乾豆之事豈
爲民乎哉且人君以玄默爲神澹泊爲德今樂遠出以露威靈
數搖動以罷車甲本非人主之急務也蒙竊惑焉翰林主人曰
吁客何謂茲耶若客所謂知其一未覩其二見其外不識其內
也僕嘗倦談不能一二其詳請略舉其凡而客自覽其切焉客
曰唯唯主人曰昔有彊秦封豕其土竄竄其民鑿齒之徒相與
磨牙而爭之豪俊糜沸雲擾羣黎爲之不安於是上帝眷顧高
祖高祖奉命順斗極運天關橫鉅海漂崑崙提劔而叱之所過
麾城斬邑下將降旗一日之戰不可殫記當此之勤頭蓬不暇
梳飢不及餐赬熬生蟣蝨介冑被霑汗以爲萬姓請命乎皇天

迺展人之所詘。振人之所乏。規億載。恢帝業。七年之間。而天下

密如也。

祖以上高
武功

逮至聖文。隨風乘流。方垂意於至甯。躬服節儉。

綈衣不弊。革鞜不穿。大厦不居。木器無文。於是後宮賤瑇瑁而

疏珠璣。卻翡翠之飾。除雕琢之巧。惡麗靡而不近。斥芬芳而不

御。抑止絲竹宴衍之樂。憎聞鄭衛幼眇之聲。是以玉衡正而太

階平也。

以上孝
文儉約

其後熏鬻作虐。東夷橫畔。羌戎睚眦。閭越相亂。

遐眠爲之不安。中國蒙被其難。於是聖武勃怒。爰整其旅。迺命

驃衛。汾沅沸渭。雲合電發。焱騰波流。機駭蠡軼。疾如奔星。擊如

雷霆。碎輶輶。破穹廬。腦沙幕。髓余吾。遂躡乎王庭。毆橐駝。燒爍

蠡。分勢單于。磔裂屬國。夷阬谷。拔鹵莽。刊山石。蹂屍輿。厮係累。

老弱啖鉅癘者金鏃淫夷者數十萬人皆稽顙樹領扶服蛾伏
二十餘年矣尚不敢惕息夫天兵四臨幽都先加迴戈邪指南
越相夷靡節西征羌燹東馳是以遐方疏俗殊鄰絕黨之域自
上仁所不化茂德所不綏莫不躋足抗首請獻厥珍使海內澹
然永亡邊城之災金革之患以上武帝兵事今朝廷純仁遵道顯義并
包書林聖風雲靡英華沈浮洋溢八區普天所覆莫不沾濡士
有不談王道者則樵夫笑之意者以爲事罔隆而不殺物靡盛
而不虧故平不肆險安不忘危迺時以有年出兵整輿竦戎振
師五柞習馬長楊簡力狡獸校武栗禽迺萃然登南山瞰烏弋
西厭月蝓東震日域以上元成太平宴安故講武以安不忘危又恐後代迷於一時

之事常以此爲國家之大務。淫荒田獵陵夷而不禦。也是以車
不安。軼日未靡旃。從者彷彿。馱屬而還。亦所以奉太尊之烈。遵
文武之度。復三王之田。反五帝之虞。使農不輟耰。工不下機。婚
姻以時。男女莫違。出愷弟。行簡易。矜劬勞。休力役。見百年存孤
弱。帥與之同苦樂。然後陳鐘鼓之樂。鳴鞀磬之和。建碣磬之虞。
拈隔鳴球。掉八列之舞。酌允鑠。肴樂胥。聽廟中之雍雍。受神人
之福祜。歌投頌。吹合雅。其勤若此。故真神之所勞也。諷諫以上方將
俟元符以禪梁甫之基。增泰山之高。延光於將來。比榮乎往號。
豈徒欲淫覽浮觀。馳騁杭稻之地。周流黎粟之林。蹂踐芻蕘。誇
詡眾庶。盛狄獵之收。多麋鹿之獲哉。且盲者不見咫尺。而離婁

燭千里之隅。客徒愛胡人之獲我禽獸。曾不知我亦已獲其王侯。言未卒。墨客降席再拜稽首曰。大哉體乎。允非小人之所能及也。迺今日發矇。廓然已昭矣。

揚雄甘泉賦

竝序

孝成帝時。客有薦雄文似相如者。上方郊祀甘泉泰畤汾陰后土以求繼嗣。召雄待詔承明之庭。正月從上甘泉還。奏甘泉賦以諷其辭曰。

惟漢十世。將郊上玄。定泰畤。雍神休。尊明號。同符三皇。錄功五帝。卹胤錫羨。拓迹開統。於是乃命羣僚。歷吉日。協靈辰。星陳而天行。詔招搖與太陰兮。伏鉤陳使當兵。屬堪輿以壁壘兮。捎夔